

REFERAT IIIA - Isumaginninnermut Inunnullu Innarluutilinnut Ataatsimiititaq d. 05-11-2025

Mødedato Onsdag d. 05. november 2025 kl. 17:00

Mødested Kommunalbestyrelsep ataatsimiittarfiani

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ukiup affakkaartumik Inunnut innarluutilinnut tarnimikkullu nappaatilinnut tunngasunik suliassaqa	6
Inuit innarluutillit pillugit Siunnersuisooqatigiit ataatsimiittarnerannik ataavartumik ilisimatitsinerit	8
Piffissami 2025-mi kvartalit pingajuanni pissaanermik atuisimaneq pillugu nalunaarutininik ilisimatit	11
Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit	13
Inuit innarluutillit pillugit Siunnersuisooqatigiinnut ilaasortassanik toqqaaneq 2025-2029.....	16
Peqqinnissaqarfiup kommunillu akornanni angerlartitsisarnermut suliaqartarneq pillugu suleqatigiit	19
2026-mi politikikkut ataatsimiiffissat.....	21
Najugaqatigiiffiit Blok 9 aamma Aqqusinersuaq 13 Manngua 6-mi kattunneqarnissaannut inassuteq	23
Tasiilami inuusuttunut suliffissaaleqisunut atuagarsornertaqanngitsumik neqeroorut pillugu isumaq	26
Akigititassat 2026.....	29
Inunnut innarluutilinnut immikkoortortami Ataqaqatigiissaarisut malinnaavigineqarnerat.....	31
Tamalaat.....	34
Imaqarniliap akuerineqarnera.....	36

Punkt .: Saqqaa

Ilaasortat:

Justus Hansen (D)

Lone Rosengreen Pedersen (IA)

Ida Julie Andersen (IA)

Mala Høy Kúko (S)

Laura Tåunajik Uitsatikitseq (S)

Beslutning

Peqataasut:

Justus Hansen (D)

Lone Rosegreen Pedersen (IA)

Ida Julie Andersen (IA)

Attaveqaatitigut peqataavoq:

Laura Taunâjik Uitsatikitseq (S)

Mala Høy-Kúko (S)

Punkt .: Oqaluuserisassat akuerineqarneri

Beslutning

Immikkoortoq siulleq tullianimut kinguartinneqarpoq.

Oqaluuserisassat akuersissutigineqarput.

Punkt .: Nalunaarutit

Beslutning

Paamiuni sammisassaqtitsivik Nuilaaq oktobarip ulluisa arfernanni innuttaasunut aaqqissuussivoq sammisassaqtitsiviup ukiunik 25-nngortorsiorneranut atatillugu.

Ulluni 15. aamma 16. oktobari Inunnut innarluutilinnut immikkoortortaq ulluni marlunni ADHD aamma Autisme pillugit innuttaasunut sulisunullu ataatsimeersuartitsivoq. Peqataaniarlutik nalunaarsimasut 150-it sulianik immikkut ilisimasalinnit innuttaasuniillu ADHD-mik aamma autissemik nammineq atugaqartunit saqqummiussat tusarnaarpaat. Aaqqissuussineq Namminersorlutik Oqartussanit aningaasatigut tapiiffigineqarpoq.

Inuit innarluutillit sapaatip akunneqartinnerannut atatillugu, immikkoortortaq innuttaasunut qanigisaasunullu arlalinnik aaqqissuussaqarpoq.

Tasiilami nammineq najugaqalernissamut sungiusarfissat arfineq pingasut toqqavissai suliarineqalerput. Sulisoq Tasiilami neqeroorummi ingerlatsisussaq sungiusariartorluni Nuummut tikippoq. Sulisup Nuummiinnermini najugaqalernissamut sungiusarfittut neqeroorutit qanoq ingerlanneqartussaaneri takullugillu sungiusarfigissavai. Tamatuma saniatigut Aqqusinermi ornigullutik sullissisartut aqutsisuat Tasiilaliassaaq, neqeroorutip aallaqqaataaniit aallartilluarnissaa qulakkeerniarlugu.

Ulloq 27. aamma 28. oktobari ingerlatsivimmi pisortaq, fagcheffi aamma Suliffeqarnermut Isumaginninnermullu Kiffartuussivimmit ineriartortitsinermut pisortaq Suliffeqarfimmut Naalakkersuisoqarfimmit aaqqissuunneqarsimasumi Nunatsinni siunissami suliffeqarnermut politikki pillugu isumasioqatigiinnermut peqataapput. Programmi malillugu inuusuttut sulisartut, ilinniartut, nunamut allanut susassaqarfik, inuuneq tamaat ilinniarfiunera, assigiinngiaassuseq aamma suliffimmi avatangiisit pillugit oqallittoqarpoq.

Punkt 1: Ukiup affakkaartumik Inunnut innarluutilinnut tarnimikkullu nappaatilinnut tunngasunik suliassaqarfimmi killiffissiorneq, oktobari 2024 – septembari 2025

Beslutning

Immikkoortoq tullianimut kinguartinneqarpoq.

Bilag

Inunnut innarluutilinnut tarnimikkullu innarluutilinnut tunngasunik suliassaqarfimmi killiffik

Power point

Ukiup affakkaartumik Inunnut innarluutilinnut tarnimikkullu nappaatilinnut tunngasunik suliassaqaqfimmi killiffissiorneq, oktobari 2024 – septembari 2025

Ilisimatitsissut

SagsID.: EMN-2025-00788

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Innersuussut

Suliffeqarnermut Isumaginninnermullu Ingerlatsivimmit Isumaginninnermut Innullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit Inunnut innarluutilinnut tarnimikkullu innarluutilinnut tunngasunik suliassaqaqfimmut tunngasut pillugit ukiup affakkuutaartumik ilisimatitsissutigineqartarpoq, suliatigut aningaasatigullu kisitsisitigut paasissutissat pingaarnit aamma allaffeqarfiimmit isiginninnerit pillugit. Ukiup affaanut kingullermut killiffissiorneq assigiinngitsut pissutigalugit kinguaattoorfiuvoq, matumani saqqummiunneqartumi piffissaq 2024-mi oktobarimiit 2025-mi septembarimut 2025 pineqarpoq. Killiffik ilanngussani nassaarineqarsinnaavoq.

Fagchefti ataatsimiititami ataatsimiinnermi najuutissaaq, taamaalilluni ataatsimiititamit itinerisunik apeqquteqarnissamut periarfissaqartoqarniassammat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppersaatillit

- Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019-imeersoq
- Kommuneqaqfik Sermersuumi Inuit innarluutillit pillugit Politikki
- Kommuneqaqfik Sermersuumi inunnut innarluutilinnut immikkoortumut pilersaarut
- Kommuneqaqfik Sermersuumi Inuit innarluutillit tarnimikkullu nappaateqartunut suliata allaaserineqarnerat 2025

Ilanngussat

1. Inunnut innarluutilinnut tarnimikkullu innarluutilinnut tunngasunik suliassaqaqfimmi killiffik

Punkt 2: Inuit innarluutillit pillugit Siunnersuisooqatigiit ataatsimiittarnerannik ataavartumik ilisimatitsinerit

Beslutning

Ilisimatitsissut Tusaatissatut tiguneqarpoq.

Bilag

Inuit innarluutillit pillugit Siunnersuisooqatigiit ulloq 26. aggusti 2025-mi ataatsimiinnerannit imaqarniliaq.



Inuit innarluutillit pillugit Siunnersuisooqatigiit ataatsimiittarannik ataavartumik ilisimatitsinerit

2025-mi juunip ulluisa 26-anni ataatsimiinnermiit

Ilisimatitsissutitut.

SagsID.: EMN-2023-02055

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq.

Suliassamik saqqummiussineq

Inunnullu innarluutilinnut inatsisissatut nutaamik siunnersuutitut Naalakkersuisunit suli saqqummiunneqanngitsoq, Suliffeqarnermut Isumaginninnermullu Ingerlatsivimmit ilisimatitsissutigineqarpoq. 2025-mi ukiakkut Inuit Innarluutillit pillugit Siunnersuisooqatigiinnut nutaanut qinersisoqassasoq, 2025-mi aggustip ulluisa aqqarnanni ataatsimiititamut aalajangiunneqarpoq.

Nuummittaag Piginnaangorsarfik pillugu saqqummiussisoqarpoq. Piginnaangorsarfiup aallartinneranut tunngavia Piginnaangorsarfiup aqutsisuanit ilisaritinneqarpoq. Tamassuma siunertaa sullitaalu ilanngullugit ilisaritippai. Piginnaangorsarfik siullerpaamik ulloq 18. aggusti 2025-mi ammarneqarpoq. Inuusuttunut 16-it 28-llu akornanni ukiulinnut immikkut pisariaqartitsisunut najukkami piukkunnaatilittullu periarfissaalluortoq. Sullitat tassaapput inuusuttut tarnimikkut, inooqataanikkut eqqarsartaatsikkulluunniit ajornartorsiuteqartuusut. Ilinniartitaanermik nalinginnaasumik pissarsilluarsimangitsut.

Toqqissisimanartumik tamakkiinerusumillu isiginnittumik ingerlatsinissamut neqerooruteqarnissaq siunertaavoq. Inuusuttunut inuttut, inooqataanikkut suliatiqullu piginnaasaannik annertusaataasinnaasoq. Nammineernerunissaq, suliffeqalernissaq imaluunniit ingerlariaqqiffiusumik ilinniagaqalernissaq siunertaavoq. Piginnaangorsarfik ineriartortitsinermut suliniutaavoq. Initai perorsaannikkullu najoqqutassartai ataavartumik naleqqussarneqarput. Susassaqartunik suleqateqarneq ingerlanneqarpoq. Inuit Innarluutillit pillugit Siunnersuisooqatigiinni ilaasortat apeqquteqarnissaminnut siunnersuuteqarnissaminnullu periarfissinneqarput.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat
- Inuit innarluutillit pillugit Siunnersuisooqatigiit suleriaasiat



Ilangussat

1. Inuit innarluutillit pillugit Siunnersuisooqatigiit ulloq 26. aggusti 2025-mi ataatsimiinnerannit imaqarniliaq.

Punkt 3: Piffissami 2025-mi kvartalit pingajuanni pissaanermik atuisimaneq pillugu nalunaarutinik ilisimatitsissut

Beslutning

Ilisimatitsissut tusaatissatut tiguneqarpoq.

Piffissami 2025-mi kvartalit pingajuanni pissaanermik atuisimaneq pillugu nalunaarutininik ilisimatitsissut

Ilisimatitsissut

SagsID.: EMN-2025-00989

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu

Innarluutilinnut Ataatsimiititamat inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Ataatsimiititaq pissaanermik atuineq pillugu nalunaarutininik kvartalikkaartumik ilisimatinneqartarpoq, tassani paasissutissat ilisimatitsissummik nalunaaruteqarnermi immersukkat atorlugit katersorneqartarlutik. Pissaanermik atuisimaneq takussutissaliorneqartarpoq, pissaanermik atuisoqarsimanermut tunngasunik suliartoqartillugu innuttaasut sulisullu perorsaanermut tunngasunik suliartigullu eqqarsaatigineqarsinnaasunik eqqortumik iliortoqarsimaneranik uppersaatissaqarnissaq qulakkeerumallugu.

Inunnullu innarluutilinnut tarnimikkullu nappaatilinnut suliqarfimmut nalunaarutiginnittarnerit

Nalunaarutigineqartut suuneri	Piffissami juulimiit septembarimut 2025 amerlassusii
§ 38 - Aalajangerlugu tigummininneq imaluunniit allamukaassineq	3
§ 39 - Eqqiluutsuutitsinissamik aalajangiusimasaqarneq	-
§ 43 – Najugarisami tigummisaaneq	-
§ 40 – Ujatsiutaasamik annoraaminermik atuineq	-

Nalunaarutiginninnermik malitseqartitsineq

Nalunaarutiginninnerit pingasuusut innuttaasumut ataasiusumut tunngassuteqarput.

Perorsaanikkut suliniutit pitsaanerpaamik inissinneqarnissaat taamaasiornikkut innuttaasumut pissaanermik atuinermik pitsaaliuinissamat najugaqatigiiffimmi sulisut, immikkoortortami aqutsisup aamma najugaqartumut oqartussaassusillit akornanni ingerlaavartumik oqaloqatigiittoqarpoq.

Ingerlatsivimmit aningaasatigut sulisoqarnikkullu naliliinerit

Soqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- Isumaginninnermik suliassaqarfimmi pissaanermik atuineq pillugu Inatsisartut inatsisaat nr. 8 20. november 2022-meersoq

Ilanngussat

Ilanngussaqaanngilaq.

Punkt 4: Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Beslutning

Ilisimatitsissut tusaatissatut tiguneqarpoq.

Bilag

Suliffissaaleqisut pillugit kisitsisitigut takussutissiat

Suliffissaaleqisut nalunaarsorneqarnerat aamma suliffissaaleqineq anigorniarlugu suliniutit pillugit killiffik

Ilisimatitsissut

SagsID.: EMN-2023-00083

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititumut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Suliffeqarnermut Isumaginninnermullu Ingerlatsivimmit suliffissaaleqineq anigorniarlugu suliniutinut killiffik pillugu kiisalu suliffissaaleqisut amerliartornerat pillugit ataavartumik ilisimatitsissutigineqartarpoq. Matumani ilisimatitsissut 2025-mi kvartali 3-mut tunngavoq. Ingerlatsivimmit matumani kvartalimi avataaneersut sulisinnaasut pillugit aalajangersakkat pillugit atorfinnik nassuiaatit qaammammoortumik naatsorsorneqarneri takussutissartaat ilanngunniarnagit aalajangerneqarpoq. Akuersissutit pillugit kisitsisitigut paasisutissat suli ilaatinneqarpoq. Ingerlatsivimmit Suliffeqarnermut Isumaginninnermullu Kiffartuussivimmit ukiup affakkuutaartumik killiffik pillugu nalunaarussiaat innersuussutigineqarpoq.

Kommuneqarfik Sermersuummi Illoqarfinni nunaqarfinnilu suliffissaaleqisut kvartalip pingajuanni ikilipput. Ikileriarneranut ilaatigut ukiup ingerlanerani nalinginnaasumik nikerartarneranik pissuteqartoq nassuiaataasinnaavoq, tassa aasaanerani qaammatini sulisut amerlanerusarmata.

Kommunimi Majorianit tamanit kvartalip pingajuanni innuttaasunik tamanik matchgruppe 3-miittunik sulisinnaassusaannik nalilersuisoqarpoq. Sulisinnaassutsimik naliliinerit kingunerisaannik innuttaasut amerlasuut suliffeerukkallarnermi ikiorsiissutinik pisinnaajunnaartitaapput, tassa 20 tiimit ataallugit sulisinnaasutut nalilernerarmata.

Kvartalip pingajuanni suliffissaaleqisut ikileriaateqarput 2024-p naalernerani 2025-llu aallartinnerani malunnaatilimmik amerleriaateqarnerata kingorna, ilaatigut suliffeerukkallarnermut ikiorsiissutinik aamma pisortat ikiorsiissutaannik aqutsinnermut atatillugu qarasaasiatigut systemit nutaat kukkunertallit atuutilersinnerata kingunerisaannik. Systemit suli kukkunertaqarput, amigaateqarput naleqqutinngitsunillu peqarlutik, taamaattumillu sulisunit tamakkiisumik eqqumaffigineqartariaqarlutik. Tassa Majoriamit inatsisit malillugit suliassat pingaarnerit isumaginissaat suli ajornartorsiutigineqarpoq.

Ingerlatsivimmit aningaasatigut sulisoqarnikkullu naliliinerit

Majoriamit kingullermi innuttaasut matchgruppe 2-miittunit sulisinnaassusaannik naliliinerup kingorna sulisinnaajunnaarnermut ikiorsiissutinut aamma pisortat ikiorsiissutaannut aningaasartuutit appariarnissaat ingerlatsivimmit naatsorsuutigineqarpoq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Suliffeqarnermi innersuussisarneq il.il. pillugit Inatsisartut inatsisaat nr. 5, 8. juni 2014-imeersoq



Ilangussat

1. Suliffissaaleqisut pillugit kisitsisitigut takussutissiat

Punkt 5: Inuit innarluutillit pillugit Siunnersuisooqatigiinnut ilaasortassanik toqqaaneq 2025-2029

Beslutning

Ilisimatitsissut tusaatissatut tiguneqarpoq.



Inuit innarluutillit pillugit Siunnersuisooqatigiinnut ilaasortassanik toqqaaneq 2025-2029

Ilisimatitsissut

SagsID.: EMN-2025-02826

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Innersuussut

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq
2. suliaq ilisimatitsissutitut Kommunalbestyrelsimut ingerlateqqinneqassasoq

Suliassamik saqqummiussineq

Kommuneqarfik Sermersuup 2013-imi Inuit innarluutillit pillugit Siunnersuisooqatigiit pilersippai, siunertaavorlu Kommunalbestyrelsimut aamma Isumaginninnermut Inunnullu Innarluutilinnut Ataatsimiititamut inunnullu innarluutilinnut tunngatillugu siunnersuisarnissaq.

Inuit innarluutillit pillugit Siunnersuisooqatigiit Kommuneqarfik Sermersuumi inuit innarluutillit aamma Kommunalbestyrelsip akornanni atassuteqaataapput, atuuffimminni inuit innarluutilinnut tunngasunik paasititsiniaaqataallutillu oqallitsitsisinnaasut, taamalu kommunimi inunnullu innarluutilinnut atugassarititaasunik siuarsaasinnaallutillu suliassaqarfimmi politikikkut oqallinnernik pitsaanerulersitsillutik.

Inuit innarluutillit pillugit Siunnersuisooqatigiinnut ileqqoreqqusat malillugit siunnersuisooqatigiit sisamaniit arfineq-pingasunut ilaasortaqaassapput, amerlaqatigiinnillu inuit innarluutillit kattuffiinit kommunimiillu sinniisunit ilaasortaqaassaaq - tassangaaniillu ilaasortaqaataaseq Kommunalbestyrelsimi ilaasortaassaaq. Inuit innarluutillit pillugit Siunnersuisooqatigiinnit sapinngisamik inuit innarluutilinnit assigiinngitsunut kommunimilu immikkoortunut assigiinngitsunut sinniisuunissaat anguniarneqarpoq.

Inuit innarluutillit pillugit Siunnersuisooqatigiivisa atuuffiat Kommunalbestyrelsimut piffissaq qinigaaffiusoq aallaavigalugu atuuppoq. Taamaattorli Suliffeqarnermut Isumaginninnermullu ataatsimiititami 3. decembari 2024-mi ataatsimiinnermi aalajangerneqarpoq, inuit innarluutillit pillugit siunnersuisooqatigiivisa atuuffiat utaqqiisaasumik sivitsortinneqassasoq, pissutigalugu piffissami tassani Suliffeqarnermut Isumaginninnermullu Ingerlatsivimmit naatsorsuutigineqarmat inuit innarluutillit tapersersorneqarnissaannut inatsisip nutaap atuutlernissaata malitsigisaanik siunnersuisooqatigiit tungaatigut malittarisassani allanngortoqassasoq. Inuit innarluutillit tapersersorneqarnissaannut inatsit nutaaq kingornatigut kinguartinneqarpoq, taamaattumillu Isumaginninnermut Inunnullu Innarluutilinnut Ataatsimiititamit 11. aggusti 2025-mi aalajangerneqarpoq qinersisoqassasoq.

Nunatsinni Inuit Innarluutillit Kattuffiat NIIK, kommunillu ingerlatsivii ilaasortaattikkusutaminnik innersuussuteqarput, taakku tulluuttumi tamakkiisumik takussutissiami takuneqarsinnaapput:

Ateq:	Peqatigiiffik/ingerlatsivik
Nina Møller	Sugisaq – Tarnimikkut eqqarsartaatsimikkullu nappaatillit ilaqaataasalu peqatigiiffiat
Arnaq B Johansen	Inooqat - Angajoqqaat ineriartornikkut akornutilimmik meerallit peqatigiiffiat



Pia Kielsen	Nuna tamakkerlugu kattuffik Autisme – Sumiiffik Kalaallit Nunaat
Paulus Napatoq	ISI - Kalaallit Nunaanni tappiitsut isigiarsuttullu peqatigiiffiat
Mathias Knude Brusgaard	Suliffeqarnermut Isumaginninnermullu Ingerlatsivimmi Innarluutilinnut tarnikkut nappaatilinnullu Immikkoortorta qarfimmi fagcheffi.
Vivi Anne Christiansen	Meeqqanut Ilaqtariinnullu Ingerlatsivimmi Ilaqtariinnut immikkoortortami aqutsisoq
Marianne Schmidt Lund	Meeqqanut Atuarfeqarnermullu Ingerlatsivimmi Atuarfeqarnermut immikkoortortami fagcheffi
Lone Rosengreen Pedersen	Kommunalbestyrelsimut Sinniisoq, toqqarneqartoq 19. maaji 2025

Ingerlatsivimmit aningaasatigut sulisoqarnikkullu naliliinerit

Innarluutillit pillugit siunnersuisoqatigiinnut qinersinerit kommunimut aningaasatigut sulisutigulluunniit kinguneqarnissaa naatsorsuutigineqanngilaq.

Missingersuusionermut Naatsorsuusionermullu Immikkoortortamit aningaasatigut nalilinq

Pisariaqanngilaq.

Inatsisitigut tunngavissaq allakkallu tunngaviusumik uppersaatillit

- o Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq
- o Inuit innarluutillit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- o Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat

Ilanngussat

Ilanngussaqaqanngilaq

Punkt 6: Peqqinnissaqarfiup kommunillu akornanni angerlartitsisarnermut suliaqartarneq pillugu suleqatigiinnissamut isumaqatigiissut nutaaq

Beslutning

Ilisimatitsissut tusaatissatut tiguneqarpoq.

Bilag

Angerlartitsisarnerit pillugit suleqatigiinnissamut isumaqatigiissut

Peqqinnissaqarfiup kommunillu akornanni angerlartitsisarnermut suliaqartarneq pillugu suleqatigiinnissamut isumaqatigiissut nutaaq

Ilisimatitsissut

SagsID.: EMN-2023-00163

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Utoqqarnut Isumassuinnermullu Ataatsimiititamut kiisalu Isumaginninnermut Inunnullu Innarluutilinnut Ataatsimiititamut inassuteqaatigineqarpoq:

1. ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersooq Peqqinnissaqarfillu oktobari 2025-mi angerlartitsisarneq pillugu suleqatigiinnissamut nutaamik isumaqatigiissuteqarput. Isumaqatigiissummi siunertaavoq, kommunip peqqinnissaqarfiullu suleqatigiinnerat nukittorsassallugu ataqatigiissaarnerusumillu angerlartitsisarnissaq kommunip innuttaasuinut pilersinniarlugu.

Isumaqatigiissut Nuummi Dronning Ingridip Napparsimmavissuani innuttaasunik angerlartitsisarneq pillugu siuliani suleqatigiinnissamut isumaqatigiissut tunngavigalugu suliarineqarpoq, kommunimilu innuttaasunut tamanut atuuttussanngorlugu annertusineqarpoq, tassunga ilanngullugit Paamiuni, Tasiilami Ittoqqortoormiinilu peqqissaavinniit angerlartitsisarnerit. Isumaqatigiissuttaaq kommunip peqqinnissaqarfiullu immikkoortortaannut tamanut atuuttussanngorlugu annertusineqarpoq, taamaalillunilu timikkut tarnikkullu napparsimasut angerlartinneqartarnerinut tunngasunik imaqarluni.

Isumaqatigiissutip isumaqatigiissutaareernerani kommunip peqqinnissaqarfiullu sulisuinut sammisaqarluni ulloqartitsisoqassaaq isumaqatigiissut ilisimalluarnerulerniassallugu akimullu suleqatigiinneq nukittorsarniassallugu.

Kommunip peqqinnissaqarfillu aqutsisuisa isumaqatigiissut ukiut affakkaarlugit malinnaaffigisassavaat.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusionertermut Naatsorsuusionerternullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviummik uppersaatiillit

- Peqqinnissamut Naalakkersuisoqarfiup aamma Kommuneqarfik Sermersuup akornanni peqqinnissamut tunngasunik suleqatigiinnissamik isumaqatigiissut.
- Inuit innarluutilit pillugit Immikkoortumut Pilersaarut
- Utoqqarnut immikkoortumut pilersaarut

Ilanngussat

1. Angerlartitsisarnerit pillugit suleqatigiinnissamut isumaqatigiissut

Punkt 7: 2026-mi politikkikkut ataatsimiiffissat

Beslutning

Inassuteqaat akuersissutigineqarpoq.

Bilag

2026-mi politikkikkut ataatsimiiffissatut siunnersuutit

2026-mi politikikkut ataatsimiiffissat

Aalajangiiffigisassaq

SagsID: EMN-2024-02615

Pisortaqatigiit Allatseqarfiat – kommunaldirektøri Ole Jakobsen / OJAK

Inassuteqaat

Pisortaqatigiit Allatseqarfianiit Isumaginninnermut Inunnullu Innarluutilinnut Ataatsimiititamut inassuteqaatigaa:

1. 2026-mi politikikkut ataatsimiiffissat akuerineqassasut

Suliassamik saqqummiussineq

Aqutsinnermut inatsimmi § 8-mi allaqqavoq "Kommunalbestyrelse aalajangiisassaaq qaqugu sumilu ileqquusumik ataatsimiinnerit ingerlanneqartassanersut. Tamanna kommunimi periaaseq naapertorlugu tamanut tusarliunneqartassaaq ukiut naatsorsuiffiit aallartinneri tamaasa, tamannalu pillugu Naalackersuisut ilisimatinneqassapput."

Isumaginninnermut Inunnullu Innarluutilinnut Ataatsimiititap suleriaasissaani §3-mi aamma allassimasoqarpoq "Ataatsimiititap ataatsimiittarnissamini piffissaq nammineq aalajangersassavaa".

Isumaginninnermut Inunnullu Innarluutilinnut Ataatsimiititap ataasinngornikkut nal. 14.00. ataatsimiittarnissaa siunnersuutigineqarpoq. 2026-mi ileqquusumik ataatsimiinnerit arfineq marlut ingerlanneqassapput.

Politikkikkut ataatsimiiffissat taamatullu ataatsimiinnerni oqaluuserisassat imaqarniliallu kommunip nittartagaanut tamanut saqqummiunneqassapput. Politikikkut ataatsimiiffissat aamma kommunip allaffeqarfiata immikkoortortaani pissarsiarineqarsinnaassapput.

2026-mi politikikkut ataatsimiiffissat Naalackersuisunut nassiunneqassapput.

Ingerlatsivimmit aningaasatigut sulisoqarnikkullu naliliinerit

Politikkikkut ataatsimiinnerit missingersuutini taakkununnga aningaasaliissutigineqartuni aalajangersakkat malillugit ingerlanneqassapput, taakkununnga ilanngullugit angalanerit, akissarsiat, sulisunik atorfissaqartitsinerit ilaalu ilanngullugit.

Missingersuusiornermut Naatsorsuusiornermullu Immikkoortortamit aningaasatigut naliliineq

Suliffeqarfiup iluani Kiffartuussivimmit oqaaseqaateqartitsisoqanngilaq, Suliffeqarfiup iluani Kiffartuussivik ullut ataatsimiiffissat aalajangersarniarneqarnerini peqataatinneqarsimavoq, taamaalilluni naatsorsuutit missingersuutit akuersissutigineqarnissaannut ilaalu ilanngullugit taakku naleqqussarneqarniassammata.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Ilanngussaq

1. 2026-mi politikikkut ataatsimiiffissatut siunnersuutit

Punkt 8: Najugaqatigiiffiit Blok 9 aamma Aqqusinersuaq 13 Manngua 6-mi kattunneqarnissaannut inassuteqaat

Beslutning

Inassuteqaat akuersissutigineqarpoq.



Najugaqatigiiffiit Blok 9 aamma Aqqusinersuaq 13 Manngua 6-mi kattunneqarnissaannut inassuteqaat

Aalajangiiffigisassaq

SagsID.: EMN-2025-03146

Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Innersuussut

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamat inassuteqaatigineqarpoq:

1. Najugaqatigiiffiit Blok 9 aamma Aqqusinersuaq 13 kattunneqarnissaannut inassuteqaat akuersissutigineqassasoq.
2. Kattunneqarnissaannut atatillugu, missingersuutaareersut iluini aningaasaliiffigineqarsinnaasumik, inissamik ataatsimik ilaqqiinissamik aningaasaliisoqarnissaa pillugu politikikkut aalajangerneqassasoq.

Suliassamik saqqummiussineq

Aggustimi 2024-mi politikikkut aalajangerneqarpoq, najugaqatigiiffinni inissat nutaat ammarneqarnissaat pillugit Iserit Inuit innarluutillit Tarnimikkullu nappaatillit Immikkoortortaataat suleqateqatigissagaa. Iserimmit saqqummiunneqarpoq, Inuit innarluutillit Tarnimikkullu Nappaatillit Immikkoortortaata illu Manngua 6 tigusinnaagaa. Tamanna innuttaasunut najugaqatigiiffinni Blok 9-mi Aqqusinersuaq 13-imilu najugaqartunut tulluarnaruvoq. Taakku piffissami matumani immikkoortortatut mikinerusutut marluttut ingerlanneqarput. Taakkunani immikkoortortanit qangalili kissaatigineqarpoq, matrikelimi ataatsimi ataatsimoortinneqassasut.

Taamaattumik Inuit innarluutillit Tarnimikkullu nappaatillit Immikkoortortaataat kiisalu Iserit Sanarfinermut Avatangiisinullu Ingerlatsivimmut qinnuteqarput, illumut siunertaasoq najugaqatigiiffittut atussallugu allanngortinneqassasoq. Tamanna politikikkut ulloq 14. aggusti 2025-mi akuersissutigineqarpoq. Tassunga atatillugu Inuit innarluutillit Tarnimikkullu nappaatillit Immikkoortortaata najugaqatigiiffiit Blok 9 aamma Aqqusinersuaq 13 kattunneqarnissaannut inassuteqaateqarpoq. Kattussinissamat nalilerneqarpoq, sulinermit pilersaarusernermi sillimaffigisarialinnut annikillisaataassasoq. Aqutsisut sulisullu ukiuni aggersuni ulloq unnuarlu neqeroorut ataatsitut ataatsimoortutut matussuserinnaavaat. Nunap immikkoortuinut marlunnut najukkanut akerliusumik. Ingerlatsivimmit nalilerneqarpoq, Manngua 6-imi inissamik ataatsimik ilaqqiinissamik pilersitsisoqarsinnaasoq. Tamanna ingerlatsinermut tunngatillugu pissarsiaqarfusutut nalilerneqarpoq. Kattunnerisigut pigaartuusarnerit tamaasa matussuserneqarnissaannut akikinnerussapput taamaattumillu isumalluutit najugaqartut sullinnerini atorluarneqarnerusinnaallutik. Taakku siornatigut najugaqatigiiffiusimasut marluk inii najugaqatigiiffittut marluttut ammarneqassapput. Taakku Inuit innarluutillit tarnimikkullu nappaatillit immikkoortortaannut Inissinermi aalajangiisartoqatigiinnit tulleriissaarineqassapput.

Ingerlariaqqinnissaq

Kattunneqarnissaat akuersissutigineqassappata, suliffeqarfiup maleruaqqusai kingornatigut nutarterlugit suliarineqassapput. Taamatutaaq najugaqatigiiffinnut marlunnut iliuuserineqassapput.

Ingerlatsivimmit aningaasatigut sulisoqarnikkullu naliliinerit



Najugaqatigiiffiit Blok 9 aamma Aqqusinersuaq 13 kattunneqarnissaat ingerlatsineranut missingersuusiorfiusumi aningaasalerneqassapput.

Missingersuusiornermut Naatsorsuusiornermullu Immikkoortortamit aningaasatigut nalililneq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Inuit innarluutilit tapersorsorneqarnissaannut Inatsisartut inatsisaat nr. 13, 12. juuni 2019-imeersoq
- Nuummi najugaqatigiiffinnik sisamanik pilersitsinissaq pillugu aalajangiineq tak. kommunalbestyrelsen, 25.06.24

Ilanngussat

Ilanngussaqaanngilaq.

Punkt 9: Tasiilami inuusuttunut suliffissaaleqisunut atuagarsornertaqanngitsumik neqeroorut pillugu isumaqatigiissut

Beslutning

Inassuteqaat siulleq akuersissutigineqarpoq.

Bilag

Siu-Tsiu-p aamma Kommuneqarfik Sermersuup akornanni ingerlatsinermut isumaqatigiissutaat

Tasiilami inuusuttunut suliffissaaleqisunut atuagarsornertaqanngitsumik neqeroorut pillugu isumaqatigiissut

Siu-Tsiu-lu ingerlatsineranut isumaqatigiissummik suliarinneqqinneq

Aalajangiiffigisassaq

SagsID.: EMN-2025-02862

Suliffeqarnermut Isumaginninnermullu ingerlatsivik - Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamatulliuttunik pingasuusunit ataatsimik toqqaanissaq inassuteqaatigineqarpoq:

1. suliaq neqerooruteqartitsisarneq pillugu malittarisassat atuuttut malillugit neqerooruteqartitsinissaq akuersissutigineqassasoq imaluunniit
2. suliaq tigoqqinneqassasoq siunissamilu Majoriaq Tasiilamit naammassineqartalissasoq imaluunniit
3. neqerooruteqartitsisarnermut malittarisassat malinneqarnissaannut ingerlatsivik isumaqatigiissut pillugu Siu-Tsiu-mik isumaqatiginninniaqqinnissaa akuersissutigineqassasoq

Suliassamik saqqummiussineq

Maannamut Siu-Tsiu-mik ingerlatsineranut isumaqatigiissut 2026-mi maajip naaneranut killeqarpoq, taamaattumillu ingerlaqqissaguni minnerpaamik qaammatit arfinillit sioqqullugit isumaqatiginninniutigineqassaaq. Siu-Tsiup aamma Kommuneqarfik Sermersuup akornanni ingerlatsineranut isumaqatigiissummi, § 8 innersuussutigalugu, neqeroorummi inuusuttut 15-inik amerlassuseqartarnissaat piumasaqaataavoq, Kommuneqarfik Sermersuumiillu inuusuttunut 15-inut akiliisoqartarpoq. Ukiunilu kingullerni, qaammat sorliunersoq apeqqutaatillugu, atuartut Siu-Tsiumut atasut arfinillit 15-illu akornanniittarput.

Ingerlatsivimmit Siu-Tsiumut akiliut ingerlatsineranut tapiissutitut naatsorsuutigineqartariaqartut nalilerneqarpoq, tassa atuartut amerlassusaat qanoq ikkaluaraangalluunniit tunniunneqartarmata. Neqerooruteqartitsisarneq pillugu inatsit malillugu suliaq neqeroortitsissutigineqannginnissaanut 500.000 koruunit killigitinneqarpoq, taamaattumillu ingerlatsivimmit suliaq ingerlariaqqinnissaanut politikikkut aalajangiisoqartariaqassasoq nalilerneqarpoq. Siuliini toqqagassatut periarfissat pingasut taaneqartut matumani naatsumik nassuiaatigineqassapput

Suliaq neqeroortitsissutigineqassaaq

Ingerlatsivimmit pisiortortarnermut immikkoortoqarfik suleqatigalugu neqeroortitsinissamat paasissutissanik suliaqartoqassaaq. Kommunalbestyrelsimit suliakkiussinissamat piumasaqaatit assigiinngitsut nalilersornissaannut kiisalu neqerooruteqartitsinermi aningaasatigut killiliussat pillugit aalajangiisoqassaaq. Tamatuma kingorna neqerooruteqartitsisarneq pillugu inatsit atuuttoq malillugu piumasaqaatit tunngavigalugit neqerooruteqartumik ingerlatsivimmit aalajangiisoqassaaq. Neqeroortitsinermik suliaqarneq suliatigut aningaasaqarnikkullu piumasaqaatitaqarpoq, suliamillu neqerooruteqartitsinermi suliamik naammassinninnissamat neqeroortiginninnissaaniit neqeroortoqannginnissaa aarlerinaataasinnaavoq. Ingerlatsivimmit Siu-Tsiumik suleqatigiinnerup taamaatinneqarnissaa utaqqisinneqassaaq neqeroortitsineranut suliaqarnerup naammassineqarnissaata tungaanut, taamaalilluni pisiortorfigisap allangortinneqassappat atuartut pitsaasumik ikaarsaarsinnaaniassammata.

Suliaq tigoqqinneqassaaq

Suliaq Majoriaq Tasiilamut tunniunneqassaaq, tassanngaanniillu suliap tamakkiisumik kivinneqarnissaa akisussaaffigineqalerluni. Tassanngaanniit piumasaqaatit aningaasallu missingersuusiornermut atatillugu politikikkut aalajangersaaffigineqassapput. Siornatigut suliaq Majoriamit akisussaaffigineqarpoq.

Isumaqatigiissut suliareqqinneqassaaq

Ingerlatsivimmit isumaqatigiissut suliareqqinneqassaaq, taamaalilluni neqerooruteqartitsisarneq pillugu inatsit malinneqarluni. Taassuminnga toqqaanerup pitsaaqutigissavaa allannguutit ikinnerpaaffimmiitinneqarnerinik, tamannalu atuartunut ajornannginnerussaaq. Ajoqutaasussaassaaq ingerlatsinermut isumaqatigiissusiortoqarnissaa tapiissutit ukiumut 500.000 koruunit ataallugit malunnaatilimmik atuartut ikinnerulissammata imaluunniit Siu-Tsiu atuartunut ataasiakkaanut tapiiffigineqartalissasoq, taamaalillunilu Siu-Tsiup neqeroorummik ingerlatsinissaminut ajornakusoortitsilersinnaalluni.

Ingerlatsivimmit aningaasatigut sulisoqarnikkullu naliliinerit

Aaqqiissutissat siunnersuutit saqqummiunneqartut aningaasaqarnikkut killiliussat iluini kivinneqarsinnaassapput.

Missingersuusiornermut Naatsorsuusiornermullu Immikkoortortamit aningaasatigut naliliineq

Pingaaruteqanngilaq.

Inatsisitigut tunngavissaaq allakkallu tunngaviusumik uppersaatiillit

- Pisortat oqartussaaffigisaanni suliffeqarfiinilu nioqqutissanik kiffartuussinernillu pisiniarnermut tunngatillugu neqerooruteqartitsisarneq pillugu Inatsisartut inatsisaat nr. 6, 12. juuni 2019-imeersoq

Ilanngussat

1. Siu-Tsiu-p aamma Kommuneqarfik Sermersuup akornanni ingerlatsinermut isumaqatigiissutaat

Punkt T: Akigitassat 2026

Beslutning

Inassuteqaat akuersissutigineqarpoq.

Bilag

Akit IIIA

Akigititassat 2026

Aalajangiiffigisassaq

SagsID.: EMN-2024-03558

Suliffeqarfimmut Kiffartuussivik – vicekommunaldirektøri Marie Fleischer / MAFL

Inassuteqaat

Suliffeqarfiup Iluani Kiffartuussivimmit Isumaginninnermut Inunnullu Innarluutilinnut

Ataatsimiititamat inassuteqaatigineqarpoq:

1. 2026-mut akigititassat oqaluuserineqarlutillu akuersissutigineqassasut, suliassaqarfinnut Isumaginninnermut Inunnullu Innarluutilinnut Ataatsimiititap ataaniittunut, tak. ilanngussaq 1

Suliassamik saqqummiussineq

2026-mut missingersuutini akuersissuteqarnermut atatillugu aalajangerneqarpoq, ataatsimiititanit ataasiakkaanit akigititassat aalajangerneqassasut akuersissutigineqassasullu.

2026-mi akigititassanut aallaavigineqartussat tassaapput (tak. missingersuusiornermut malittarisassat akuersissutigineqartut), aningaasat 500 kr.-nit amerlanerusut akit akissarsiallu siumoortumik 2,34%-imik naatsorsorneqassasut. Taakkununga kollegianut akigititap aamma ulluunerani paaqqinnittarfinnut akigititap pineqanngillat.

Isumaginninnermut Inunnullu Innarluutilinnut Ataatsimiititap ataaniittunut akigititani missingersuusiornermut malittarisassani allassimasut saniatigut allaffissornikkut allannguuteqanngillat.

Akigititap annikillisinneqarnissaat aalajangerneqassappat missingersuutini killiliussat pioreersut iluanni tamanna pissaaq.

Ingerlatsivimmit aningaasatigut sulisoqarnikkullu naliliinerit

Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviumik uppersaatillit

- Kommunit Namminersorlutillu Oqartussat missingersuutaat naatsorsuutaallu pillugit Inatsisartut inatsisaata allanngortinneqarnissaa pillugu Inatsisartut inatsisaat nr. 13, 1. decembari 2021-meersoq
- 2026-mut missingersuutininut missingersuusiornissamut malittarisassat

Ilanngussat

1. Akit IIIA

Punkt 10: Inunnut innarluutilinnut immikkoortortami Ataqatigiissarisut malinnaavigineqarnerat

Beslutning

Ataatsimiititami immikkoortoq eqqartorneqarpoq. Ataatsimiititami kissaatigineqarpoq, tulliani ataatsimiinnissaanut sammisaq paasissutissaqarnerutillugu eqqartorneqaqqissasoq, aamma sammisaq pillugu ataatsimiititami siulittaasumut pisortamullu apeqquteqarnissamut periarfissaliisoqarumaarpoq.

Bilag

Suliassamik saqqummiussineq, novembari 2022

Inunnut innarluutilinnut immikkoortortami ataqatigiissarisunut tunngasunik killiffik, oktobari 2025



Inunnut innarluutilinnut immikkoortortami Ataqatigiissaarisut malinnaavigineqarnerat

Oqaluuserineqartussatut
SagsID.: EMN-2025-01763
Suliffeqarnermut Isumaginninnermullu Ingerlatsivik – pisortaq Ejner Grønvold / EJGR

Inassuteqaat

Suliffeqarnermut Isumaginninnermullu Ingerlatsivimmit Isumaginninnermut Inunnullu Innarluutilinnut Ataatsimiititamat inassuteqaatigineqarpoq:

1. Inunnut innarluutilinnut immikkoortumi ataqatigiissaarisut malinnaavigineqarnissaat eqqartorneqassasoq

Suliassamik saqqummiussineq

Februaari 2024-mi isumaginninnermut & suliffeqarnermullu Ingerlatsivik Inunnut innarluutilinnut immikkoortortami Ataqatigiissaarisunut ammaassipput. Innuttaasut qanigisaallu kommunimut ataasiinnarmik isaaffeqarnissaannut pisariaqartitaannik naaperiaanissaq siunertaralugu Inunnut innarluutilinnut immikkoortortami Ataqatigiissaarisut pilersinneqarput. Innarluutilinnut immikkoortortami "one-door"-eqarnissaq politikikkut kissaatigineqarmat suliniuteqartoqarpoq.

Immikkoortortaq oqarasuaatikkut, ornigulluni e-mailikkullu saaffiginninnissamat periarfissalerlugu pilersinneqarpoq. Innuttaasut suleqatigineqartullu immikkoortortaq nutaaq pillugu attaveqarfigniarlugit suliniutit arlallit suliarineqarput.

Soqutigineqarnera pisariaqartinneqarneralu ukiuni marlunni siullerni killeqartorujussuusimapput. Immikkoortortaq ikittuniit saaffigineqarpoq. Saaffiginnissutaasuni nalinginnaasumik pineqartut tassaapput sullissinermi annertuunik ilungersunartoqarnera. Sullissineq piffissami pineqartumi pitsaanerulerpoq, misigineqarlunilu maanna saaffiginnissutaasartut qaqutikkut sullissinnermut tunngasuusartut.

2024-p naalernerani allaffeqarfiup sumiiffia nuunneqarpoq, taamaalilluni suliat innuttaasunut tunngasuutillit amerlanerit Nuummi kommunip allaffiani maanna ataatsimoorlutik. Peqatigitillugu ikorfartorteqarnermik suliassaarfik aamma Meeqqanut Atuarfeqarnermullu Ingerlatsiviup ataaniittut atuarfimmik-, ulluunerani – sunngiffimmilu neqeroorutit ataatsimoortinneqarput aamma meeqqanut innarluutilinnut sullissisarneq inersimasunut innarluutilinnut sullissisarnerlu Suliffeqarnermut Isumaginninnermullu Ingerlatsiviup ataani ataatsimoortinneqarput. Taamaalilluni innuttaasut kommunimut attaveqartarnerat ajornannginnerulersinniarlugit innarluutilinnik suliaraqfimmil arlalinnik allannguisoqarpoq.

Qulaani taaneqartut ilanngussami 2-mi itisilersorneqarput. Ilanngussaq suliffeqarfimmi malitseqartitsineruvoq Inunnut innarluutilinnut tarnimikkullu nappaatilinnut immikkoortortaqarfimmi misilittakkanik malinnaanernillu tunngaveqartoq, tassunga ilanngullugu Inunnut innarluutilinnut immikkoortortami ataqatigiissaarisut.

Ingerlatsivimmiit inassuteqaatigineqarpoq, malinnaaviginninnissaq ataatsimiititamit eqqartorneqassasoq. Eqqartuineq tunngavigalugu ingerlatsivik Inunnut innarluutilinnut immikkoortortami Ataqatigiissaarisunut ingerlariaqqinnissaq pillugu suliamik aalajangiiffisassamik nutaamik saqqummiussissaaq.

Ingerlatsivimmit aningaasatigut sulisoqarnikkullu naliliinerit



Pisariaqanngilaq.

Missingersuusiornermut Naatsorsuusiornermullu Immikkoortortamit aningaasatigut naliliineq

Pisariaqanngilaq.

Inatsisitigut tunngavissaq allakkallu tunngaviusumik uppersaattillit

- Inuit innarluutillit pillugit politikki 2024-2028
- Inuit innarluutillit tapersorsorneqarnissaanut Inatsisartut inatsisaat nr. 13, 12. juuni 2019-imeersoq
- Meeqqat tapersorsorneqarnissaanut Inatsisartut inatsisaat nr 20, 26 juni 2017-imeersoq.
- Atuarfik pillugu Inatsisartut inatsisaat nr. 15, 3. decembari 2012-imeersoq
- Meeqqanut suli atualingitsunut perorsaanikkut inerikkiartuutaasunik ulluunerani neqeroorutit pillugit Inatsisartut Inatsisaat nr. 62, 20 novembari 2023-meersoq.
- Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

Ilanngussat

1. Suliassamik saqqummiussineq, novembari 2022
2. Inunnut innarluutilinnut immikkoortortami ataqatigiissaarisunut tunngasunik killiffik, oktobari 2025

Punkt .: Tamalaat

Beslutning

Punkt .: Imaqarniliap akuerineqarnera

Beslutning

Imaqarniliaq akuersissutigineqarpoq nal. 15:00.